



Mawrth 24ain 2019



Croeso cynnes i chi gyd y bore 'ma. Diolch i'r Parchg. Gethin Rhys am ei arweiniad, a Wyn Jones am lywyddu. Bethan Roberts sydd yn cyfeilio.

Yr Wythnosau Nesaf

Mawrth 31ain - Allan James gyda Lyn West ac Eleri yn cyfeilio

Ebrill 7ed - Cynan Llwyd gyda Lowri Roberts a Rhiannon yn cyfeilio

Ebrill 14eg - Y Parchg. Aled Edwards gyda Nia Williams, ac Eleri yn cyfeilio

Ebrill 21ain - Sul Teuluol gyda Heulyn a Catrin gyda Siân yn cyfeilio

Ebrill 28ain - Geraint a Caroline Rees gyda Bethan yn cyfeilio

Y Rhestrau: Blodau a Croesawu

Mae nifer o Suliau heb flodau a chroesawyr ar y rhestrau sydd wrth ddrws y Capel. Mae gwahoddiad cynnes i chi dorri eich henw. Diolch yn fawr i bawb sydd wedi gwneud yn barod.

Bwcio'r Capel neu'r Ganolfan:
carolinerees2@hotmail.com

Dros y misoedd diwethaf derbynion ni sawl galwad ffôn gan aelodau'r capel oedd am ddweud eu bod wedi diffodd y goleuadau a chloi'r ganolfan/capel wedi bod yno a dod o hyd i'r lle ar agor. Tra'n gwerthfawrogi'r consyrn, gofynnwn yn daer i chi beidio a chloi, gan fod yr adeilad gan amlaf newydd ei agor ar gyfer grwpiau sydd yn mynd i fod yno ymhen cyfnod byr. Mae defnydd trwm ar y lle ar hyn o bryd – weithiau 3 grŵp gwahanol ar yr un diwrnod. Os ydych byth yn pryderu, mae croeso i chi decstio Caroline ar 07539452130

Bwrdd y Cyfarwyddwyr

Cynhelir cyfarfod nesaf Bwrdd y Cyfarwyddwyr nos Fawrth 2 Ebrill. Os oes gan unrhyw un fater i'w godi neu adroddiad i'w gyflwyno cysylltwch gyda Gwilym (01970 225205 / 07710 237327 gehpengwern@yahoo.co.uk) erbyn dydd Llun 1 Ebrill.

**CYNHADLEDD WANWYN
CRISTNOGAETH 21**

Ar 29 a 30 Mawrth

yn Aberystwyth ar y thema 'Dechrau o'r Newydd'. Bydd cyflwyniad theatrig ar y nos Wener, a darlithoedd ar y Sadwrn gyda Cynog Dafis, Arwel Jones, Catrin Haf Williams, Huw Williams a Gareth Wyn Jones. Mae'r manylion llawn ar wefan:
<http://cristnogaeth21.cymru/newyddion>



Estynnir gwahoddiad i fynychu noson yng nghwmni Dr Rowan Williams, Cadeirydd Bwrdd Ymddiriedolwyr Cymorth Cristnogol, ac Amanda Mukwashi, y Prif Weithredwr **am 7.30 nos Lun 1 Ebrill**

yn Ararat, Eglwys y Bedyddwyr, Yr Eglwys Newydd, Caerdydd i gyd-fynd gyda lansiad eu strategaeth fyd- eang dros y cyfnod 2019-26 i ddileu tlodi eithafol trwy geisio urddas, cydraddoldeb a chyfiawnder i bawb. Bydd yna gyfle i holi'r ddau siaradwr ac i'r eglwysi ystyried y rôl nodedig sydd gan Gymru i'w chwarae.

Os ydych yn dymuno mynychu'r cyfarfod dylech gysylltu gyda Janet Evans, Cymorth Cristnogol Cymru erbyn 15 Mawrth: jevans@cymorth-cristnogol.org Ffôn: 029 2084 4646.

MERCHED Y TABERNAACL

*Dydd Iau, 11eg Ebrill
am 11.00. a.m.*

**Amgueddfa Genedlaethol Cymru
Arddangosfa o waith Kyffin Williams.
Fe fydd un o'r staff yn tywys ni o gwmpas.
Enwau i Eifiona Hewitt o g yn dda ar
07792798093**

ELUSENNAU 2019

Dyma'r elusennau y byddwn yn eu cefnogi drwy gasgliad yr amlenni brown eleni: Gofalwyr Ifanc Rhondda Cynon Taf Adref, Ysgol Tŷ Coch Cymorth i Ferched Cymru & CRICA Mae pedair o'r rhain yn lleol ac yn gwerthfawrogi ein cefnogaeth gyson. Mae CRICA yn ymchwilio i Glefyd Crohn ac yn cefnogi plant a phobl ifanc sy'n dioddef o'r cyflwr.

Merched y Wawr

Mae Cangen Tonysguboriau yn estyn croeso i bawb (dynion hefyd!) i'w cyfarfod ar nos Fercher 10fed o Ebrill yng Nghanolfan Capel y Tabernacl am 7.30 pryd fydd Gwenno Rees yn rhoi ei hanes am ei blwyddyn ym Mhatagonia.

APÊL SEICLON IDAI

Mae pob un ohonom wedi ein brawychu gan ganlyniadau enbyd trychineb Seiclun Idai yn Nwyrain Affrica, ac yn awyddus i hyrwyddo gwaith y bobol sy'n gweithio ddydd a nos i geisio ymgeleddu'r dioddefwyr.

Mae DEC, sy'n gyfuniad o 14 asiantaeth elusennol (yn cynnwys Cymorth Cristnogol) yng Ngwledydd Prydain, yn gweithredu ar fyrder yn y maes, ac yn apelio am ein cymorth ar y cyfryngau torfol. Mae'r brys yn amlwg, a'r dulliau cyfrannu yn effeithiol:

Ffôn: 0370 60 60 610 neu
01726 986 461 Ar-lein: dec.org.uk
Postio: P O Box 999, Llundain EC 3A 3AA

Dyfyniad yr Wythnos, gan Brian Zahnd

Ry'n ni gyd yn gwneud smonach o ddiwinyddiaeth – chi a fi. Felly fy argymhelliad yw ein bod ni'n rhoi'r ystyriaeth gyntaf i gariad. Pam? Achos nid athrawiaeth yw Duw, nac enwad ychwaith. Nid rhyfel yw Duw, na chyfraith, ac nid casineb. Nid uffern yw Duw chwaith.....achos Duw, cariad yw.

CASGLIADAU DILLAD A NWDYDDAU

Mae'r casgliadau ar gyfer Adref, Nantgwyn, a Cwtch yn dal yn weithredol eleni. Diolch yn fawr iawn i chi i gyd am eich cyfraniadau cyson i'r elusennau allweddol yma. Maen nhw'n hynod werthfawrogi o'n cefnogaeth.

CYFAMOD EGLWYSIG Y TABERNACL: 'Rydym yn gymuned o bobl sydd wedi ymrwymo yn wirfoddol i geisio tyfu gyda'n gilydd mewn dealltwriaeth a gallu i ymarfer dysgeidiaeth ac ysbryd yr Iesu.

Y FYNWENT A'R RHANDIR

Datblygiadau'r Fynwent a'r Rhandir Mae'n bosib nad yw pawb yn ymwybodol o'r gwaith clirio anhygoel a gwblhawyd dros fisoedd y gaeaf gan dîm bach iawn o wirfoddolwyr ym mynwent a rhandir y capel. Mae gennym le i ddiolch iddynt am roi wythnosau o'u hamser i gyflawni'r gwaith anodd o docio, clirio a llosgi'r holl ddrain a'r mieri oedd wedi cael rhwydd hynt i ffynnu ers blynyddoedd lawer. Pan ddaw cyfle cofiwch ddiolch i'r pedwar fu'n llafurio mor ddiwyd sef Emlyn 'Pens' Jones, Edwyn Evans, Mike West a John 'Llew' Thomas.

Ond nid dyma eu hunig gymwynas i ni gan iddynt hefyd gyflwyno adroddiad cynhwysfawr i Fwrdd y Cyfarwyddwyr ar ddechrau'r cynllun yn dangos y ffordd i fynd ati i gwblhau ail gymal y gwaith sef ehangu'r fynwent a chryfhau rheolaeth o'r rhandir. Wedi derbyn sêl bendith y Bwrdd i'w hargymhellion maent wedi bwrw ati yn ddiymdroi i drefnu bod contractwr yn dod a'u peiriannau pwrpasol i dorri rhai o'r coed mwyaf yn y fynwent, symud tunelli o bridd rhydd o'r rhandir er mwyn gwastadau'r tir yn ardal bellaf y fynwent a chludo gweddill y pridd rhydd i ben pellaf y rhandir. Bellach mae'r cynllun hefyd yn cynnwys creu lle parcio i nifer cyfyngedig o gerbydau ar dir y rhandir yn agos at y fynedfa.

Dros yr wythnosau nesaf gallwch ddisgwyl tipyn o brysurdeb o amgylch y capel ac felly mae'n bwysig iawn bod yn ofalus os byddwch yn ymweld â'r fynwent neu'r rhandir yn ystod y cyfnod hwn.